

## **TRANS WORLD RADIO**

**LE MOT DU JOUR**  
**NDE JASIN**  
**SCRIPT ID : 1023**  
**TITRE: Notre Père (B)**  
**Titre : E SI (B)**  
**Pasteur Paul Schroeder**

### **NDE I BÔBÔLE**

Mi si mu o ni mi ni mun, Anian klôfue kpamu, nyô amu klwawlwa amu liké é mi Jesus-Christ i duman nu. Man Nynanmien i aundjue ni amu klwawlwa klwawlwa bé tran. Ye man é si Nyanmien bo si aunvue o si amu aunvue sa klwawlwa nu é mi J-C i duman nu man o yô so Amen. Ande, o ti mi akludjue éku ke, é ni amu, é ce Nyanmien i nde mon o ti akludjue nde i nu. Ye ande nde lie mon é jran su é kan nde yele E SI Nyanmien I WUN nde kanle. Nkunde ke, é wun wafa nga mon'n, o nin fata ke é nin E SI Nyanmien é kôkô yale, lé mucue kun nga o sin ni lo nun'n, é wuni kan. Ye ande, o nin fata ke é wun wafa nga mon é sre é Mi'n. Aniaan klôfue kpa, sié o su nan tié nde so vié'n.

### **NDE I NU JIJILE**

Lémucue nga mon o sin ni lo nun'n, é kanni srele su nde. Srele nga mon Jésus o kanni kléli i sonzofue mun, mon é fleli ke Mien i srele i nde. Nnafi su ke'n o wukali wo, ye a nin o nian christfue mun, amu celi'n i so nde lie nun lika wle. Nyanmien i srele o ti man anien kangan le.

Viémun, bé waa'n bé srele mun bé bô ke'n : « afin a ti kpli, a sié liké'n kwlaa, ye manmanle'n o ti wo lie titi ». Viémun kusu man bé kan ke'n : « Man o yô sie, ba, wawe san i duman nun'n, Amen ». Wafa kwlaa nga é fa Wa'n yrele I bô'n, mon o ti Nyanmien kpli I duman nun, o ti kpa.

Ke é nian'n, wafa nga mon Jésus o kléli I sonzonfue mun bé srele'n, Luc ndetré 11 nun lo'n, o kanni saun yôle nde. Saun so'n I bô o klé ke'n, fien kan sa o nu man nun, liké so'n nu, o ti san.

Nyanmien I mla nun, o séli yé ke nan é bô Nyanmien i duman ngbin, I saun mon o ti ti'n. se é wen é bô Nyanmien I duman'n man o yô ke é su yi I aye, é su menmen, é su kanvu-i. Annze, é su si Nyanmien wun yé, ye é su le I asé. Man Nyanmien i duman nga mon é bô'n, o yô saun yôle nun. Nan fa Nyanmien i duman bô sannzan'n, afin Nyanmien o ti san, ye fien kannsa, o nun man i nu.

Ke é kangan é kô é nyrun lo'n ékun, I mma 13 nun, Jésus o séli I sonzonfue mun bé ke:" *Amun mon an ti sa te yôfue, an si liké kpakpka fa man amun mma mu'n, ye amun si mon o wô Nyanmien su lo'n, o fa man I wawe o manman sran nga mon o sre nion*". Afin o dumua bisa li'n kosan kun: ' *Sie bé ni ce'n, ye se I wa o sre kpaun o fa yobue o wle sa nun-on? Annze se o sre pkatra o tra wô o fa wle I sa nu-on?*

Nanwle, se é mon é ti sa te yôfue, é si é mma mun ninngé kpakpka man, ye é si Nyanmien mon o ti klun ufué fue'n, o su manman'n é ninngé kpakpa'n lélé o bu man waman i wun? Se é sre liké i sa nu-on?

Aniaan klôfue kpa, ke a bô Nyanmien I duman mon a yi I saun saun I nglô. Nyanmien o kwla liké kwla yô, ye o ti'n wo srele mun kwlaa, ye o kwla te wo srele mun bé kwlaa bé su. Nyanmien kunngba ce'n, ye o kwla man wo liké kwlaa cen bakun nu-on.

Aniaan, lafi su ke Nyanmien o ti wo srele mun. Se o ti man o nuanbu su srele, si kpa ke Nyanmien kpli o te wô su. Wafa nga mon o fa te wô su'n, nsi man, Nyanmien kunngba ce ye o si-o. Wo afe mun, o nin wo amien sa mun o nin wo srôle mun, Nyanmien kunngba ce, ye o kwla yi wô sa so mun bé kwlaa kwlaa bé nu-on. Nan'n sre ku wo'n, yaci'n o wun sa mun Nyanmien i sa nu. Nyanmien o klô wo, o kunnde ke a yô i lie mlonmlon, o kunnde ke o dé wo'n sa te i sa nun, baé dile i sa nun. Fa o wun man nyanmien, ye sre i. A nin Nyanmien amun kôkô yale ble kwla kwla nun, ke, ba o nin sié bé koko ya le sa. Nyanmirn o lafi man, o wô'n o wun le cen kwlaklwa. Nyanmien o nun man mmua, ye o kunnde ke o uka wo. Lafi i su, ye fa o wla kwla we Nyanmien su. Fa Nyanmien ke o si sa, ye liké nga sie o yo'n, o yôvié o man o man wô. Nkunnde ke Nyanmien srele o yô liké kéklé ké, o sa nun. Afín sa kwla nga o to wo su'n, Nyanmien o kunnde ke a sre-I, a kan o wun nde mun a klé yi. A di o te mun bé nanwle a klé-I, ye o yaci o wun sa te mun bé kwla o ce wo.

Nan yô ke bian nga mon kanni ke'n o su yaci man'n i nian wun sa o ce man i dé. Ya so'n, o kwla su i bô ke o kun i nian. Nanwle, o ti sa te, ye o ti tété liké. Nan man o lie o yô so mlonmlon. Se a kwla yaci man'n, o nian i wun sa a ce man-i, o yô se ye Nyanmien o kwla yaci o lie o ce wo?

Sre Nyanmien ke o yaci o wun sa mun o ce wo. O kusu man, yaci o nian mun bé lie ce bé. Afin ke é so Christ nun'n, Nyanmien o yaci é wun sa mun o ce yé, klôle mon o klô yé ti. I kungba nion o fata ke é klô é nian mun, nan é yaci bé wun sa mun é ce bé. Se é yô so'n, ye sran mun'n, bé si ke é ti Nyanmien wa sakpa-o. Nan nian Men lie su di o nian i jole. Afin Men i klé le'n, o ti klu vi sa, bé yaci man bé wun sa o ce men. Se sran kun o tu'n, i nian i nyima'n, san bé tu i lie vié. Yele ke bé si man yaci ce. I tie é nga mon é si Nyanmien 'n, o fata ke'n ngbacie o tran'n é nin menfue mun é afien nion. Jésus Christ nun klungbo tule o nun man nu'n, klun vi sa o nun man nun. O fata ke'n klôle o nin yaci cele ye o tran le-o.

Nsi ke o ti man popo, ke a ya ci o nian i wun sa a ce-i. Ke a wun o niaan sa'n, wo awlen ba o kpe o klun. I tie o fata ke'n a sé Jésus ke o uka wo. Sre ke'n o man wo fangan nan wafa nga mon I bobo o fa nian bé'n, o kusu man a fa nian bé so vié. Afin o wuli bé ti vié, o yacili bé wun sa te o celi bé vié. Sien sre Jésus nan o man wo nyma nga mon i bobo o fa nian bé, nan wa kwla nian bé nga mon bé yôli wo te be vié. Afin i wen'n, é klô é kpofue mun, nan é yaci sa nga bé yô yé é ce bé. Ye o ti klôle i nglô yile dan nion. Si kpa ke Nyanmien o fe i wawe o man wo, nan'n a kwle i so lie mun bé kwlaa bé yô.

## NDE I KPOLE BOLE

Aniaan klôfue kpa é ble wa vié, si kpa ke Nyanmien klo wo. Fa o wun man Nyanmien nan koko o wun sa mun klé-i. Nian, Nyanmien su mide wo, jaso waka, fa o wun man-i, sre i, o ti wo nnen, ye o te wo su. Afin Nyanmien o ti san, ye o kwla liké kwla yô. Man Nnyanmien o uka wo, nan a wun ninngé so mun bé kwla bé wle. Man nyanmien o ra wo su é Mi Jésus I du man nun. AMEN